

Headline	Durian D24 dijual RM16 sekilogram		
MediaTitle	Sinar Harian		
Date	15 Jul 2019	Color	Full Color
Section	Nasional	Circulation	140,000
Page No	38	Readership	420,000
Language	Malay	ArticleSize	181 cm ²
Journalist	N/A	AdValue	RM 3,837
Frequency	Daily	PR Value	RM 11,511



Durian D24 dijual RM16 sekilogram

SUNGAI PETANI-Durian jenis D24 antara yang menjadi tumpuan sempena Hari Bertemu Pelanggan 2019 di Pusat Operasi Buah-buahan Lembaga Pemasaran Pertanian Persekutuan (FAMA) semalam.

Exco Pertanian, Azman Nasrudin berkata, durian jenis itu yang dijual pada harga RM25 sekilogram sejak ke-lmarin ditawarkan harga RM18 sekilogram pagi semalam.

Bagaimanapun katanya, harga diturunkan lebih rendah kepada RM16 sekilogram selepas majlis perasmian.

Menurutnya, FAMA menyediakan kira-kira 20 tan pelbagai jenis buah-

buahan segar yang dijual dengan harga lebih rendah daripada pasaran.

"Kita juga menyediakan khidmat nasihat sempena Hari Bertemu Pelanggan selain disertai pelbagai agensi di bawah Kementerian Pertanian dan Industri Asas Tani," katanya kepada media semalam.

Lebih 30 usahawan menyertai jualan buah-buahan, produk berasaskan pertanian, anak pokok serta pelbagai jualan lain dengan kehadiran mencecah 5,000 pengunjung.

Hari Bertemu Pelanggan di Pusat Operasi Buah-buahan FAMA diadakan selama dua hari dan berakhir semalam.



Azman (empat dari kanan) menerima cenderahati daripada Lembaga Perindustrian Nanas Malaysia sempena Hari Bertemu Pelanggan 2019 di Pusat Operasi Fama Sungai Petani.